

Karakteri i Perëndisë

Perëndia është një. Ai është Krijuesi i gjithçkaje. Perëndia na i zbulon Vetën përmes krijimit, fjalëve dhe jetës së profetëve të Tij.

Përmes krijimit, ne kuptojmë që Ai është u fuqishëm, krijues dhe i mençur.

Profetët na kanë treguar më shumë për Perëndinë dhe rrugën e Tij. Ata na treguan se Perëndia është i mirë! Ai është i mëshirshëm dhe i dhembshur, i përsosur dhe i drejtë, i dashur dhe bujar. Çdo gjë e mirë në jetën tuaj është dhuratë nga Perëndia.

Meqë ka vetëm një Perëndi dhe Ai është i mirë, ne duhet ta gjejmë dhe të ndjekim rrugën e Tij.

Profeti Adam

Për shkak se Perëndia është i dashur dhe bujar, Ai donte një marrëdhënie të ngushtë me krijesat që mund të zgjidhnin ta donin Atë. Prandaj, Ai krijoi Adamin dhe Evën, i dha atyre dhuntinë për të zgjedhur dhe i vendosi në Parajsë.

Adami dhe Eva zgjodhën që të mos i binden Perëndisë duke ngrënë nga fryti i ndaluar. Për këtë vepër mosbindje, ata u gjykuan, u ndëshkuan dhe u dëbuan nga Parajsa.

Njerëzit u krijuan për Parajsën. Ne nuk jemi vërtet të lumtur në tokë, sepse ajo është e mbushur me të keqen dhe probleme.

Perëndia na do në Parajsë me Të, por Ai e gjykoj dhe e ndëshkoi Adamin, prandaj Ai do të na gjykojë dhe ndëshkojë edhe neve.

Profeti Noe

Në kohën e profetit Noe, njerëzit zgjidhnin gabim vazhdimisht. Kjo e trishtoi dhe e zemëroi Perëndinë. Ai e gjykoj botën dhe vendosi që ta shkatërronte atë përmes një përmbytje.

Por profeti Noe e dëgjoi zërin e Perëndisë dhe eci në rrugën e Perëndisë. Perëndia i tha atij që të ndërtonte një barkë në tokë të thatë. Edhe pse njerëzit e përqeshën, ai u bind. Vetëm ata që e besuan Perëndinë dhe ndoqën rrugën e Tij në barkë u shpëtuan. Të tjerët vdiqën nga përmbytja.

Edhe pse njerëzit mund të na përqeshin, për t'i shpëtuar gjykimin, ne duhet të ndjekim rrugën e Perëndisë.

Profeti Abraham

Profeti Abraham u quajt “miku i Perëndisë”. Ai ishte kaq i nënshtruar ndaj Perëndisë, sa kur Perëndia i kërkoi që të sakrifronte birin e tij, Ai ishte i gatshëm ta bënte këtë.

Por në çastin që Abrahami ishte gati të ngulte thikën tek i biri, Perëndia dërgoi një zëvendësues, një qengj “dhe e zëvendësoi atë me një kurban të madh”. Kjo është ajo që festohet gjatë “Kurban Bajramit”.

Edhe pse Perëndia kërkoi një flijim, Ai vetë siguroi një zëvendësim.

Profeti Moisi

Perëndia i dha profetit Moisi 10 Urdhërimet dhe shumë ligje të tjera për hebrejtë. Ai premtoi se do t’i bekonte hebrejtë, nëse ata do t’i zbatonin urdhërimet. Kjo marrëveshje u quajt Besëlidhja e Vjetër. Por ligjet ishin aq të ndërlikuara, sa nuk mund të zbatoheshin dot në mënyrë të përsosur.

Hebrejtë e dinin se për shkak të drejtësisë së Perëndisë, ata do të gjykoreshin, ashtu siç u gjykua Adami. Por ashtu si me Abrahamin dhe birin e tij, Perëndia siguroi një rrugë për ta.

Besëlidhja e Vjetër kërkon një flijim gjaku për mëkatin. Ajo na tregon se mëkati meriton vdekjen.

Besëlidhja e Vjetër përfundon

Profeti Moisi i paralajmëroi hebrejtë se ata s’duhet ta braktisnin Perëndinë për të ndjekur perëndi të tjerë. Kjo do ta shkelte besëlidhjen e tyre. Ata do të sulmoheshin dhe do të dërgoheshin si skllëvër në vende të tjera. Vite më vonë, hebrejtë u kthyen tek idhujt dhe kjo u bë realitet.

Ndërsa hebrejtë ishin në robëri në Babiloni, Perëndia dërgoi profetë të tjerë me profeci shpresëdhënëse. Ata folën për një Besëlidhje të Re, që do të ishte për të gjithë njerëzit.

Do të ketë një Besëlidhje të Re, me një flijim përfundimtar, “Qengjin e Perëndisë”.

Premtimi i profetëve për një Shpëtimtar

Pse profeti Jezus është ndryshe nga gjithë profetët e tjerë? Pse Ai është i vetmi që quhet *Fjala e Perëndisë* dhe nga disa edhe *Fryma e Perëndisë*?

Pse Ai lindi nga një virgjëreshë, është i pamëkat dhe do të gjykojë botën?

Qengji i flijimit duhet të ishte e përsosur. Jezusi është sakrificë përfundimtare dhe e pastër, “Qengji i Perëndisë”. Profeti Isaia parashikoi se kjo sakrificë përfundimtare do të ishte vetë Perëndia. Ai do të lindte në tokë dhe do të quhej “Perëndi i fuqishëm, Atë i përjetshëm, Princ i Paqes”.

Fjala e Perëndisë është ruajtur

Profeti Isaia gjithashtu profetizoi se ishte *vullneti i Perëndisë* që Mesia do të ishte *flijim për mëkatin, do të bëjë të drejtë shumë njerëz dhe do të marrë përsipër paudhësitë e tyre.*

Të krishterët nuk i shpikën dhe as i shtuan këto fjalë në Bibël. Ato janë shkruar 600 vjet përpara se të lindte Jezusi dhe ishin ruajtur te Dorëshkrimet e Detit të Vdekur. Dorëshkrimet ishin vulosur në një shpellë në Palestinë përpara se të lindte Jezusi, derisa u rizbuluan në shekullin e 20-të.

Perëndia e ruan Fjalën e Tij!

Pse një flijim gjaku?

Duke kuptuar karakterin e Allahut shpjegohen veprimet dhe rrugët e Tij. Atributet e Tij janë në harmoni.

Drejtësia e Tij është e barabartë në forcë me mëshirën e Tij!

Mëshira e Perëndisë e shtynte Atë që të gjente një mënyrë për të na falur dhe për të na rikthyer në një marrëdhënie me Të. Mëshira e Tij është e madhe, por nuk mund të kapërcejë drejtësinë e Tij. Ai nuk mund të na falë dhe të harrojë. Karakteri i Perëndisë kërkon drejtësi; vdekje për mëkatin.

Si mundet Ai të jetë i mëshirshëm dhe i drejtë në të njëjtën kohë? Duke siguruar një sakrificë zëvendësuese. Cila është prova? Ai na e tregoi këtë rrugë përmes profetëve: Adamit, Noeut, Abrahamit, Moisiut, dhe hebrenjtë kryenin flijime gjaku. Përveç nga një çifti kafshësh, profeti Noe naë arkë mori edhe shtatë kafshë për flijim dhe i sakrifikoi ato kur hipi në të.

Profeti Yahiya (Gjon Pagëzori) e njohu Jezusin si flijimin përfundimtar, *“Qengji i Perëndisë që heq mëkatin e botës!”*

Pse Perëndia...

u bë njeri dhe vdiq si flijim? ***Për shkak të karakterit të Perëndisë.*** Vetëm Perëndia është i përsosur. **Përsosmëria e Tij** kërkon që edhe ne të jemi të përsosur. Perëndia është i lumtur nëse ne jemi të mirë, por ne nuk do të jemi kurrë të përsosur. Si një fëmijë që ofron 5 qindarka për xhamin që ka thyer. Babai e vlerëson këtë, por e di që ai vetë duhet të paguajë. Ai është përgjegjës.

Përsosmëria e Perëndisë kërkon edhe që Ai ta rregullojë këtë botë të shëmtuar në mes të universit të Tij të bukur. Vdekja e Jezusit ishte rruga me të cilën identifikohet Perëndia dhe mori përsipër përgjegjësinë për të gjitha vuajtjet në botë. Perëndia e kupton se si vuajmë ne, sepse

Fjala e Tij u bë mish dhe banoi ndër ne.

Si të futemi në Parajsë?

Nëse mendojmë se mund ta shpëtojmë veten përmes veprave tona të mira, ne i heqim lavdinë Perëndisë dhe bëhemi bashkëpunëtorë me Të në shpëtimin tonë.

Askush nuk shkon dot në parajsë përveçse përmes mëshirës së Perëndisë. Perëndia na tregoi përmes profetëve se rruga e Tij është flijimi, por Ai siguroi një zëvendësim. Në drejtësinë dhe mëshirën e Tij,

Perëndia krijoi një rrugë për të na kthyer në Parajsë. Ai erdhi në këtë botë si flijimi përfundimtar, i përsosur dhe i profetizuar, që është Jezus Krishti.

Të gjithë ne do të gjykohemi. Si e morën mëshirën e Perëndisë Abrahami dhe djali i tij? Përmes qengjit që siguroi Perëndia. Çfarë do të ndodhte nëse ata nuk do ta pranonin qengjin? Djali do të vdiste. Çfarë do të ndodhë me ne, nëse nuk e pranojmë atë që siguroi Perëndia? Edhe ne do të vdesim.

Ne e pranojmë!

Të pranoni rrugën e mëshirës së Perëndisë, të rrëfeni mëkatet dhe të besoni që Perëndia zuri vendin tuaj përmes Jezusit.

Pastaj fillon Jeta Juaj e Re me Perëndinë. Lutuni dhe lexoni Biblën çdo ditë. Shoqërohuni me të tjerë që e besojnë Jezusin si Shpëtimtar, duajini të gjithë dhe ndani lajmin e mirë të faljes përmes Tij!

Referenca: Bibla (Taurat, Zabur, Injil): Romakëve 3:21-26; Psalmi 118:1; Zanafilla 3, 6-8, 22; Kurani 37:107; Bibla: Eksodi 20,24; Ligji i Përtërirë 29; Jeremia 31:31; Gjoni 1:1, 14 & 5:27; Isaia 9:6,7 & 40:8 & 53:10-12; Romakëve 10:9,10; Hebrenjve 2:10, 4:16, 10:25; Gjoni 15; Mateu 28:18-20

Nga AEM's **Psalm Project**

Informacione: www.ChristianFromMuslim.com

(866) 533-6659